

cessa, ortus & occasus signorum ac stellarū fixarum, quibus matutinę uespertinęq; fiunt, eodem modo apparebunt: errantium quoq; stationes, retrogradationes atq; progressus nō illorum, sed telluris esse motus videbitur, quem illa suis mutuant apparentijs. Ipse deniq; Sol medium mūdi putabitur possidere, quæ omnia ratio ordinis, quo illa sibi inuicem succedunt, & mūdi totius harmonia nos docet, si modo rem ipsam ambobus (ut aiūt) oculis inspiciamus.

## De ordine cælestium orbium. Cap. x.



Ltissimum uisibilium omnium, cælum fixarū stellarum esse, neminem uideo dubitare. Errantium uero seriem penes reuolutionum suarum magnitudinem accipere uoluisse priscos Philosophos uidemus, aſſumpta ratione, quod æquali celeritate delatorum quæ longius distant, tardius ferri uidentur, ut apud Euclidem in Opticis demonstratur. Ideoq; Lunam breuiſſimo temporis ſpacio circuire existimant, quod proxima terra minimo circulo uoluatur. Supremum uero Saturnum, qui plurimo tempore maximum ambitum circuit. Sub eo Iouem. Post hunc Martem. De Venere uero atq; Mercurio diuersæ reperiuntur ſententiæ, eo quod nō omnifariam elongantur à Sole, ut illi. Quamobrē alij supra Solem eos collocant, ut Platonis Timæus, alij sub ipſo, ut Ptolemyus, & bona pars recentiorum. Alpetragius ſuperiorem Sole Venerem facit, & inferiorē Mercuriū. Igitur qui Platonem sequuntur, cum existiment omnes ſtellæ, obscura alioqui corpora, lumine ſolari concepto resplendere, ſi ſub Sole eſſent, ob non multam ab eo diuulfionem, dimidia, aut certe à rotunditate deficienes cerneretur. Nam lumen ſurſum fermè, hoc eſt uersus Solem referrent acceptum, ut in noua Luna uel desinente uidemus. Opportere autem aiunt, obiectu eorum, quādoq; Solem impediri, & pro eorū magnitudine, lumen illius deficere: quod cum nūquam appareat, nullatenus Solem eos subire putant. Contra uero, qui ſub Sole Venerem & Mercurium ponunt, ex amplitudine ſpacij, quod inter Solem & Lunam comperiunt, uendicant rationem,